

1. Tsrunca pichgayog huata Tiberio César gobierno captin, Poncio Pilato Judeatsru gobernador cayaptin, Herodes Galilea ladupa munayniyognin cayaptin, huauguen Felipe Iturea y Traconite ladupa munayniyognin cayaptin, Lisantias Abilinia ladupa munayniyognin cayaptin,
2. Anas y Caifás sacerdotecunapa mandagnin cayaptin, Señorninchicpa rimaynin tsraramun Juan Zacariaspa churinman, chunyagtsru cayaptin.
3. Jinarcurga lapan parti Jordanpa pampanpa purira, runacunata huillar: Jucha munayangancunata dejapacur, bautizachicurcay, juchaycuna illarisha cananpag, nir.
4. Chaynuymi escribisha cara, Isaías huillapacogpa libruntsru: Caymi chunyagpita gayacamogpa rimaynin: Señorninchicpa caminunta alichay. Uchuc caminulanta chiuchiuyayagta ruray.